

ኢብራዌ ኣሳሰ ፃፊቲዳ ኪታ ጋሳ ቆፋ

ሃ ኪታይ ፃፊቲዳይ፣ ዎልቃማ ሜቶይ ጋኪን፣ ባንታ ኣማኑዋ ኣጋናው ማቲዳ ኣማኒያ ኣሳሳ። ሃ ማፃፋ ፃፊይ፣ ዩሱስ ኪሪሰቶሲ ወርሴላኔ ቱማ ያሳ ቆንጮላ ጊዳይሳ ኢብራዌ ኣሳሰ ቤሴሰ። ሄ ኣማኒያ ኣሳይ ባንታ ኣማኑዋን ሚናና ሜላ ኤንታ ሚንፊሴሰ። ኢ ሄሳን ሄቩ ኣይፌ ቆፋታ ዋናዩዲ ቤሴሰ።

1. ዩሱሲ ባ ኤኪዳ ሜቱዋን ኣዋሰ ቱማ ኪቴቲዳ ሜሪና ያሳ ናዓ። ኢ ያሳ ናዓ ጊዲዳ ጊሾ ጋልዓ ጫቁዋ ዎዴ ዴዒያ ናቤታፔ፣ ኪታንቾታፔ ሙሴፔ ቦላ።
2. ዩሱሲ ጋልዓ ጫቁዋ ካሂንታፔ ዳሮ ኣጲያ ሜሪና ካሂኔ ጊዳይሳ ያሳይ ባ ሁዒን ማርካቲሰ።
3. ዩሱሳ ባጋራ ኣማኒያ ኣሲ ናጋራፔ፣ ያሻፌኔ ሃይቆፔ ኣቴሰ። ዩሱሲ ካሂኔ ሃላቃ ጊዳይሳዳ፣ ካሴ ኢብራዌታ ኣማኖ ዎጋኒኔ ሜሄ ያርሾን ኩያዳ ቤንቲያ ኣቶቴላ ሃዒ ቱማ ኣሊሰ።

ፃፊይ ኢሰራዒሌ ኣሳ ታሪኩን ዳሮ ኤሬቲዳ ኣሳ ኣማኖ ለሚሶ ኦሊ ኤኪዲ (ሼም 11) ሃ ማፃፋ ናባቢያ ኣሳቲ ባንታ ኣማኑዋን ሚናና ሜላ ኣኬኪሴሰ። ሄሳዳካ፣ ሼም 12 ናባቤይሳቲ ባንታ ኣይፊያ ዩሱሳ ቦላ ዎሊዲ፣ ባንታ ኣማኑዋን ሚናና ሜላኔ ኣይ ሜቶይኔ ዋዩይ ጋኪኮካ፣ ኤንቲ ጌንጫና ሜላ ዘሬሰ። ወርሴላን ዘሬኒኔ ኣኬኪሶ ቃላን ባ ኪታ ኩዩሰ።

ኢብራዌ ኪታ ኣይፌ ቆፋታ

- ጌሎ ቆፋ፣ ያሳይ ኪሪሰቶሳን ቆንጪዳይሳ 1:1-3
- ኪሪሰቶሲ ኪታንቾታፔ ቦላ 1:4-2:18
- ኪሪሰቶሲ ሙሴፔኔ ኢያሱፔ ቦላ 3:1-4:13
- ኪሪሰቶሳ ካሂኔቴላይ ቦላ 4:14-7:28
- ኪሪሰቶሳ ጫቆይ ቦላ 8:1-9:22
- ኪሪሰቶሳ ያርሾይ ቦላ 9:23-10-39
- ኣማኖ ባይራቴላ 11:1-12:29
- ያሳ ኡፋይሶ 13:1-19
- ኣንጅኔ ኩሻ ቆፋ 13:20-25

ናዓይ ኪታንቸታፕ ቦላ

1 ካሴ ያሳይ፥ ኑ አዋታሰ ናቤታ ባጋራ ዲማ ዲማ ኦጌን ዳሮ ዋዴ ኦዲሰ። 2 ሺን ሃ ወርሴላ ዋዲያን ኡባ ኢያ ላቲሲዳ ቃሲ አላሚያ ኢያ ባጋራ ሜዲዳ ባ ናዓ ባጋራ ኑሰ ኦዲሰ። 3 ናዓይ ያሳ ቦንቸዋ ጳሌላኔ ኩሜላ ያሳ ያሳቴላ ኤኪዲ፥ ባ ዋልቃማ ቃላን ሃ አላሚያ ካቲሲዲ ኦይኪሰ። አሳ ኤንታ ናጋራፔ ጌሺዳፔ ጉዬ ኡባፌ ቦላ ያሳ ኡሻቻ ባጋን ሳሉዋን ኡቲሰ።

4 ኢያው ኢሜቲዳ ሱንላይ ኪታንቸታ ሱንላፌ ቦላ ጊዴይሳዳ ኢ ኤንታፌ ቦላ። 5 ሂዛ፥ ያሳይ ኪታንቸታፕ ኦዴኮ፥

«ኔኒ ታ ናዓ፤
ታ ሃቺ ኔው አዋ ጊዳሰ» ጊዴ?
ዋይኮ ቃሲ ኦዴኮ፥
«ታኒ ኢያው አዋ ጊዳና፤
ኢካ ታው ናዓ ጊዳና» ጊዴ?

6 ቃሲ ያሳይ ባ ባይራ ናዓ ሃ አላሚያ ኪቲሼ፥
«ያሳ ኪታንቸቲ ኡባይ ኢያው ጎይኖ»
ያጊሰ። 7 ያሳይ ኪታንቸታባ ኦዲሼ፥
«ያሳይ ባ ኪታንቸታ ጫርኮ፥
ባ አይሌታ ታማ ላጮ ኦሌሰ»

ያጊሰ። 8 ሺን ባ ናዓባ ኦዲሼ፥
«ያሳው፥ ኔ ካዋቲላይ ሜሪናው ዴዔሰ።
ኔ ካዋቲላ ኔ ዪሎቴላን አይሳሳ።

9 ኔኒ ዪሎቴላ ዶሳዳሳ፤ ኢታ ኢዳዳሳ።
ያሳይ፥ ኔ ጎዳይ፥ ኔና ኔ ላጌታፔ አሊዲ ዶሪሰ።
ኡፋይሳ ዛይቴ * ኔና ቲዩሰ»
ያጊሰ። 10 ያሳይ ዛሪዲ፥
«ጎዳው፥ ኮይሮ ኔኒ ሳዓ ሜዳዳሳ፤
ሳሎቲ ኔ ኩሼ ኦሶ።

11 ሄሳቲ ኡባይ ዳያና፤
ሺን ኔኒ ዳና።
ኤንቲ ኡባይ አፊላዳ ዉራና።

12 ኔኒ ኤንታ ሳሌናዳ ዓፃና፤
ቃሲ ኤንቲ አፊላዳ ሳሜታና።

1:5 ማዝ 2:7፤ 2ሳው 7:14፤ 1ታሪ 17:13 1:6 ዛሬ 32:43 1:7 ማዝ 104:4 1:8 ማዝ 45:6-7 * 1:9 ኡፋይሳ ዛይቴ፥ ኢ ካዋቲያ ዋዴ አሳይ ኡፋይሳን ኢሊሊዲ ኢያ ካዋሌሳ ቤሴሰ። 1:10 ማዝ 102:25-27

ሺን ኔኒ ኡባ ዎዴ ኔና፤
ኔ ላይላይካ ዉሪና»

ያጌሰ። 13 ሺን ያሳይ ኪታንቸታፕ ኦዴኮ።

«ታኒ ኔ ሞርኬታ ኔ ቶሆይ

ዬዲያሶ ኦላና ጋካናው።

ሃይሳን ታፔ ኡሻቻ ባጋን ኡታ» ጊዴ?

14 ኪታንቸታ ኡባይ ኣቶቴሊ ዴማናው ዴዲያ ኣሳታ ማዳናው ያሳይ ከቲዳ ኣያናታ ጊደኮናዬ?

2

ጊታ ኣንጀዋ

1 ሄሳ ጊሾ፣ ኑኒ ሲዲዳ ቱማፔ ሃራሶ ኤኬቶና ሜላ ሄ ሲዲዳይሳ ሚንሊዲ ናጋናው ቤሴሰ። 2 ሂዛ፣ ኪታንቸታ ባጋራ ኦዴቲዳ ቃላይ ቱማ ጊዲኮ፣ ኢያ ናቆይኔ ከቲቶና ኢያይ ፐርዳ ኤሂያባ ጊዲኮ። 3 ያቲን፣ ኑኒ ሃይሳ ሜላ ጊታ ኣቶቴላ ኢፃሰ ጊኮ፣ ዋኒዲ ኣታኔ? ኮይሮ ጎዳይ ባ ሁዔን ሄ ኣቶቴላ ኦዲሰ፤ ቃሲ ኢያፔ ሲዲዳይሳቲ ኑሰ ጌሺዲ ማርካቲዶሶና። 4 ቃሲ ያሳይ ማላታታን፣ ኦራላባታን፣ ዲማ ዲማ ማላታኒኔ ባ ሼኒያዳ ኢሚዳ ጌሻ ኣያና ኢሞታታን ማርካቴላ ሚንሊሰ።

ዬሱሲ ኣሴ ጊዲሰ

5 ያሳይ ሃ ኑኒ ኦዲያ ሲንላፌ ያና ኣላሚያ፣ ኪታንቸታሰ ሃሪሲቤና። 6 ጌሻ ማፃፋይ ኢሲ ቤሳን ሃይሳዳ ያጌሰ።

«ኔኒ ኣሳሰ ቆፓናው ኣሲ ኣይቤ?

ዎይኮ ኔኒ ኢያ ናጋናው ኢ ኣይቤ?

7 ኔ ኢያ ኪታንቸታፕ ጉላ ዎዴሰ ጉላዳሳ፤

ኢያ ሁዔን ቦንቸኔ ሳባ ካላቻ ዎላዳሳ።

8 ቃሲ ኡባባ ኢያ ቶሁዋፔ ጋርሳን ዎላዳሳ»

ያጌሰ። ያሳይ ኡባባ ኢያው ሃሪሲያ ዎዴ ኢያው ሃሬቲቦናባይ ኣይቤካ ባዋ። ሺን ሃዲ ኡባባይ ኢያው ሃሬቲሺን ኑኒ ቤዲቦኮ።

9 ሺን ኑኒ ኪታንቸታፕ ጉላራ ጉዲዳ ዬሱሳ ቤዎሰ። ያሳ ኣጵ ኬሃቴላ ጋሶን ዬሱሲ ኣሳ ኡባሰ ሃይቂሰ። ኢ ዎዬ ሃይቆ ሃይቂዳ ጊሾ ቦንቸኔ ሳባ ካላቻ ኢያ ሁዔን ዎሊሰ። 10 ኡባባይ ኢያዉኔ ኢያ ጋሶን ሜዴቲዳ ያሳይ፣ ዳሮ ናይታ ባራ ቦንቸሳናው ኤንታ ኣቶቴላ ሁዲያ፣ ዬሱሳ ዎዬን ፖሎ ኦላናው ኢያው ቤሴሰ።

11 ዩሱሴኔ ሄ ኢ ጌሺዳ አሳ ኡባይ ኢሲ አዋ ናይታ። ዩሱሴ ኤንታ። «ታ አሻታ» ጊዲ ዪጋናው ዩላቶናይ ሄሳሳ። 12 ዩሱሴ፣ «ታኒ ኔ ሱንሳ ታ አሻታሰ አዋጃና፤

ዳሪያ ሸቁዋን ኔና ጋላታና» ያጌሰ። 13 ቃሲ ኢ፣ «ታኒ ታ አማኑዋ ኢያ ቦላ ዋላና» ቃሲካ፣ «የሳይ ታው ኢሚዳ ናይታራ ታ ሃይሳን ዳዓይሰ» ያጌሰ።

14 ናይቲ አሾይኔ ሱሌ ዳዔይሳታ ጊዲያ ጊሾ ዩሱሴካ ኤንታዳ አሴ ጊዲሰ። ኢ ሄሳ አሌዳይ፣ ሃይቆ ቦላ ዋልቂ ዳዔያ ፃላሂያ ባ ሃይቁዋን ቆይሳናሳ። 15 ቃሲ ባንታ ዳያ ላይሳ ኡባን ሃይቆ ያሻን አይሌቲዲ ዳዔይሳታ አይሌቴላፌ ዋዛናሳ።

16 ቱማ ዩሱሴ ዩዳይ ኣብራሃማ ዜሬሌ ማዳናሳፌ አቲን ኪታንቸታ ማዳናሳ ጊዳና። 17 አሳ ናጋራይ አቶ ጌቲታና ማላ ያሳ ሲንላን ማሪያኔ አማኔቲዳ ካሂኔ ሃላቃ ጊዲሰ። ሄሳ ጊሾ፣ ኢ ኡባባን ባ አሻታ ዳናናው ቤሴሰ። 18 ኢ ባ ሁዔን ፓጩን ዋዩቲዳ ጊሾ ፓጩቲይሳታ ማዳናው ዳንዳዔሰ።

3

ዩሱሴ ሙሴፔ ቦላ

1 ሄሳ ጊሾ፣ ያሳይ ዪጊዳ ጌሻ አሻቶ፣ ኑ አማኖን ጎዳ ጊዲ ዪጊያ ሃዋሪያኔ ካሂኔ ሃላቃ ዩሱሳ ቤዒቲ። 2 ሙሴይ ያሳ ኬላ ኡባን አማኔቲዳይሳዳ ዩሱሴካ ባና ዶሪዳ ያሳሰ አማኔቲዳይሳ። 3 ኬሌ ኬዳይሲ ኬላፌ አዲዲ ቦንቼቲይሳዳ ዩሱሴ ሙሴፔ አዲያ ቦንቸ ኤካናው ቤሴሰ። 4 ኢሲ ኢሲ ኬላ ኬዳዳ አሲ ዳዔሰ። ሺን ኡባ ጊሲሲዳይ ያሳ። 5 ሙሴይ ያሳ ኬላ ኡባን አማኔቲዳ አይሌ ጊዲዲ፣ ያሳይ ሲንላፌ ጋናባሰ ማርካ ጊዲሰ። 6 ሺን ኪሪሰቶሲ ያሳ ኬላን ናዒዳ አማኔቲዳይሳ። ኑኒ ኤካና ጊዲ ናጊያ ኡፋይሳ ሚንሊዲ ናጊኮ ያሳ ኬሌ ጊዳሰ።

ያሳ አሳሰ ዳዔያ ሸምፑዋ

7 ሄሳ ጊሾ፣ ጌሻ አያናይ ጌይሳዳ፣ «ሃቺ ሂንቲ ያሳይ ጌይሳ ሲዒያ ዋዳ 8 ባዞ ቢታን ፓጩያ ጋላሰ፣ ሂንቲ አዋቲ ማካሊዳይሳዳ፣ ሂንቲ ዋዛና ሚንሳፊቲ። 9 ሂንቲ አዋቲ ታና ፓጩደሶና፤

አይታሙ ላይሌ ታ ኦሱዋ ቤዒደሶና።

10 ሃሳ ጊሾ፣ ታ ሄ ዩሌቴላ ሃንቁታዳ፣
«ኤንቲ ኡባ ዎዴ ባንታ ዎዛናን ባሎሶና፤
ታ ኦጊያ ኤሪቦኮና» ያጋሰ።

11 ሃሳ ጊሾ፣ ታኒ ታ ሃንቁዋን ጫቃዳ፣
«ታ ሼምፖ ቤሳ ኡባካ ጌሎኮና» ያጋሰ።
ያጌሰ።

12 ታ አሻቶ፣ ሂንቴፊ ኦዴንካ፣ ዴዎ ያሳፊ ሂንቴና ሻኪያ ኢታኔ አማኖና ዎዛኒ ደና ማላ ናጌቲቴ። 13 ሂንቴፊ ኦናካ ናጋሪ ባሌሌን፣ ባ ዎዛና ሚንሶና ማላ «ሃቺ» ያጌቲዲ ዪጌቲሺን ጋላሰ ጋላሰ ኢሶይ ኢሱዋራ ዘሬቲቴ። 14 ኑ ኮይሮ አማኑዋ ኑኒ ዉርሴሌ ጋካናው ሚንሱዲ ናጊኮ፣ ከሪሰቶሳራ ኢሲፊ ላታና። 15 ጌሻ ማፃፋን፣

«ሃቺ ያሳይ ጌይሳ ሂንቴ ሲዒያ ዎዴ
ሄ ዎዴ ኤንቲ ማካላቴላን ሃኒዲይሳዳ፣
ሂንቴ ዎዛና ሚንሶፊቴ»
ያጌሰ።

16 ያሳይ ጊያባ ሲዒዲ ማካሊዳይ ኦኔ? ሙሴይ ጊብፃፊ ካሌሌ ኬሲዳ ኡባ ጊደኮናዬ? 17 ያሳይ አይታሙ ላይሌ ኦና ሃንቁቲዴ? ናጋራ ኦሌዲይሳታኔ ኤንታ አሃይ ባዘ ቢታን ዎጴ አቲዳ አሳታ ጊደኮናዬ? 18 ቃሲ ያሳይ፣ «ታ ሼምፖ ቤሳ ጌሌኬታ» ያጊዲ ጫቁዳይ፣ ኢያው ከቴቶና ኢዳዳ አሳፔ አቲን ኦዴሴ? 19 ሂዛ፣ ኤንቲ ሄ ሼምፖ ቤሳ ጌሎና አቲዳይ አማኒቦና ጊሾ ጊዴይሳ ኑ ቤዎሰ።

4

1 ሂዛ፣ ያሳይ ኑና ባ ሼምፖ ቤሳ ጌልሳና ጊዳ ቃላይ ቡሮ ሲንሳፊ ዴዒያ ጊሾ ሂንቴፊ ኦኒካ ሄ ሼምፖ ቤሳ ጌሎና አቶና ማላ ናጌቶሰ። 2 ኤንታው ዎንጌላይ ሳባኬቲዲይሳዳ፣ ኑሰካ ሳባኬቲሰ። ሺን ኤንቲ ሲዒዳባ አማኒዲ ኤኪቦና ጊሾ ኤንታ ሳሳቤና። 3 ጊደሺን፣ አላማይ ማጴቶሳፔ ደሚዲ ያሳ ኦሶይ ፖሌቲዲይሳ ጊዲኮካ፣ ያሳይ፣

«ታኒ ታ ሃንቁዋን ጫቃዳ፣
ታ ሼምፖ ቤሳ ኡባካ ጌሎኮና»

ጊዳይሳዳ፣ ኑኒ አማኒዳይሳቲ ኢያ ሼምፖ ቤሳ ጌላና። 4 ላፑንላ ጋላሳባ ኢሲ ቤሳን፣ «የሳይ ላፑንላ ጋላሳን ባ ኦሶ ኡባሬ ሼምፕሶ» ያገሰ። 5 ቃሲካ ሄ ቤሳን፣ «ኤንቲ ታ ሼምፖ ቤሳ ኡባራካ ጌሎኮና» ያገሰ። 6 ኮይሮ ዋንጌላ ሲዲዳይሳቲ ከቴቶና ኢዲዲ ሼምፖ ቤሳ ጌሊቦኮና። ያኒያ ጊሾ፣ ሃዲካ ሄ ሼምፖ ቤሳ ጌላና ኢሲ ኢሲ አሳቲ ዳዖሶና። 7 ሄሳ ጊሾ፣ የሳይ፣ «ሃቺ» ጊዲ ያገሰ ኢሲ ጋላሰ ኑስ ቃንዲሰ። ዳሮ ዋዳፔ ጉዬ የሳይ ዳዊቲ ባጋራ፣

«የሳይ ጊያባ ሃቺ ሂንቲ ሲዲያ ዋዳ

ሂንቲ ዋዛና ሚንላፊቲ»

ያገዲ ኦዲሰ። 8 ኢያሱይ ኤንታው ሼምፕዋ አሚዳባ ጊዲያኮ፣ የሳይ ሃራ ጋላሳባ ጉዬፔ ኦዳናሺን። 9 ሂዛ፣ የሳ አሳሰ ሳምባታ ሼምፖይ ናጌቲዲ ዳዔሰ። 10 የሳ ሼምፖ ቤሳ ጌሊያ ኦኒካ፣ የሳይ ባ ኦሱዋፔ ሼምፕዳይሳዳ ኢካ ባ ኦሱዋፔ ሼምፓና። 11 ሄሳ ጊሾ፣ ኦኒካ ሄ አሳ ከቴቲላ ኢፀዋ ካሊዲ፣ ኩንድናዳ የሳ ሼምፖ ቤሳ ጌላናው ሚኖሰ።

12 የሳ ቃላይ ዳዖኔ ኦሌይሳ። ናምቡ ባጋራ ቃራቲዳ ማሻፌ አዲዲ ኦጮ። ኢ ሼምፖ፣ አያና፣ ፃጶኔ ኮሊዜ ጋካናው ካንሉዲ ጫዳሰ። ቃሲ አሳ ዋዛናን ዳዲያ ጌሚዳ ቆፋኔ አሙዋ ሻኪዲ ፐርዳሰ። 13 የሳ ሲንላፌ ቆሴቲያባይ አይባ ሜጴቴሉካ ባዋ። ኢያ አይፌ ሲንላን ኡባባይ ቆንጮኔ ካሎ ዳዔሰ። ኑኒ ዛሮ አማናው ቤሴይ ኢያ ሲንላና።

ጊታ ካሂኔ ሃላቃ ዬሱሳ

14 ሂዛ፣ ሳሎ ኬዬዳ ጊታ ካሂኔ ሃላቃይ፣ የሳ ናዓይ ዬሱሰ፣ ኑስ ዳዲያ ጊሾ ኑ አማኑዋ ሚንሉዲ ናጎሰ። 15 ኑ ካሂኔ ሃላቃይ ኑ ዳቡሪያ ዋዳ ኑስ ቃጴታናው ዳንዳዔይሳ። ኢ ናጋራ ኦሊቤና፣ ሺን ኑዳ ኡባባን ፓጩቲሰ። 16 ሂዛ፣ ማሮቲላ ኤካናዉኔ ማዳ ኮሺያ ዋዳ አጶ ኬሃቴላ ዳማናው አጶ ኬሃቴላይ ዳዲያሱዋ የሳ አራታኮ ያዮና ሺቆሰ።

5

1 ኢሲ ኢሲ ካሂኔ ሃላቁ አሳ ጊዳሬ ደሬቲዲ፣ የሳራ ጋሊያባን አሳ ጊሾ ኢሞታኔ ናጋራ ያርሾ ያርሻናው ሹሜቲሰ። 2 ኢ ባ ሁዔን

4:3 ማዝ 95:11 4:4 ሜጴ 2:2 4:5 ማዝ 95:11 4:7 ማዝ 95:7-8 4:8 ዛሬ 31:7፤ ኢያ 22:4 4:10 ሜጴ 2:2

ደቡራንኛ ጊዲያ ጊሾ ኤሮናይሳታሲኔ ባሌይሳታስ ቃጴታናው ዳንዳዔስ።³ ኢ ባ ናጋራ ጊሾኔ አሳ ኡባ ናጋራ ጊሾ ያርሾ ያርሻናው ቤሴይ ሄሳሳ።

⁴ አኒካ ሃ ቦንቹዋ ባው ኤካናው ዳንዳዔና፣ ሺን አሮኒ ካሂኔ ሃላቃ ጊዳናው ጸጌቲዳይሳዳ ያሳን ጸጌታናው ቤሴስ።⁵ ሄሳዳካ፣ ኪሪስቶሲ ካሂኔ ሃላቃ ጊዲያ ቦንቹዋ ባው ኤኪቤና። ሺን ያሳይ ኢያ፣

«ኔኒ ታ ናዓ።

ሃቺ ታ ኔው አዋ ጊዳስ»

ያጌስ።⁶ ቃሲ ሃራሶን፣

«ማልኬፀዲቄይ ካሂኔ ጊዲዳይሳዳ፣

ኔኒ ሜሪናው ካሂኔ ጊዳና»

ያጌስ።

⁷ ዩሱሲ አሴ ጊዲዲ ሃ አላሚያን ዴዒያ ዋዴ ባና ሃይቆፔ አሻናው ዳንዳዒያ ያሳ ዳሮ ዩሆኒኔ አፋላን ዋሲስ። ኢ፣ ኢያ ቦንቹዲ ኪቲቲዳ ጊሾ ያሳይ ኢያ ዋሳ ሲዒስ።⁸ ዩሱሲ ያሳ ናዓ ጊዲሶካ ባ ዋዩቲዳ ዋያን ኪቲቲላ ታማሪስ።⁹ ሄሳንካ፣ ዩሱሲ ባ ኦሱዋ ፖሊዳፔ ጉዬ ባው ኪቲቲያ ኡባይ ሜሪና አቶቲላ ዴማና ሜላ ጋሶ ጊዲስ።¹⁰ ያሳይ ማልኬፀዲቄ ሹሚዳይሳዳ ካሂኔ ሃላቃ ኦሊዲ ኢያ ሹሚስ።

አማኑዋን ዳቡሮና ሜላ አሜቲዳ ናጊሶ

¹¹ ሃ ኑ ኦዳ ቦላ ጉጂ ሃሳያናባይ ዳሮባይ ዴዒስ፣ ሺን ሂንቲ አከካይ ጉላ ጊዲያ ጊሾ ሂንቲው ኦዲ ጌልሳናው ዋይሴስ።

¹² ሂንቲ ሃናዴ አስታማሪ ጊዳናው ቤሴስ፣ ሺን ያሳ ቃላ ኮይሮ ቲሚርቲያ ሂንቲና ዛሪ ታማርሲያ ሃራ አሲ ኮሼስ። ሂንቲ ሚና ካላ ማናው ዳንዳዖና ጊሾ ማላ ኮሼስ።¹³ ማላ ፓሂቲያ ኦኒካ ዮጋ ናዓ ጊዲያ ጊሾ ሎዖኔ ኢታ ሻኪ ኤሪና።¹⁴ ሺን ሚና ካላ ሎዖኔ ኢታ ሻኪዲ ኤሪያ ካሃማ አሳሳ።

6

¹ ሂዛ፣ ኪሪስቶሳባ ታማርሲያ ኮይሮ ቲሚርቲያ አጊዲ ኪሪስቶሳን ካሃማቴላኮ ቦስ። ሃይቆ ኦሶፔ ሲሞባኔ ያሳ አማናባ

5:3 ለዌ 9:7 5:4 ኪሳ 28:1 5:5 ማዝ 2:7 5:6 ማዝ 110:4
5:7 ማቶ 26:36-46፤ ማር 14:32-42፤ ሉቃ 22:39-46 5:12 1ቆር 3:2

ኮይር ተሚርቲያኮ ጉዬ ሲሞኩ። 2 ሄሳዳካ፣ ዪንቃቲታባ፣ * ኩሼ ምሰባ፣ ሃይቆፔ ዳንዶባኔ ሜሪና ፒርዳባ ዛሪ ታማሮኩ። 3 ያሳይ ጊኮ ኑ ሄሳ ኦላና።

4 ኢሲ ቶሆ ፖጋይ ፖዒዳይሳታ፣ ሳሎ ኢሞታ ኤኪዳይሳታ፣ ጌሻ ኢያናን ሻኬቲዳይሳታ፣ 5 ሎጋ ያሳ ቃላኔ ሲንላፌ ያና ኣላሚያ ሞልቃ ቤዒዳይሳታ፣ 6 ጉዬፔ ካዲዳይሳታ ናጋራፔ ናምዓንሖ ዛራናው ዳንዳዔቴና። ኣይስ ጊኮ፣ ኤንቲ ባንታ ቆዩሞስ ያሳ ናባ ዛሪ ካቂያ ማላ ማስቃሊያ ቦላ ኢያ ካቆሶናኔ ኣሳ ሲንላን ካወሾሶና።

7 ኡባ ሞዴ ኢ ቦላ ቡኪያ ኢራ ኡያዳ፣ ጎዩዳ ኡራ ማዲያ ካላ ኣሚያ ቤቲያ ያሳን ኣንጅተዳሮ። 8 ሺን ኣጉንሉኔ ከንቾቲ ዶሊያ ቤቲያ ኣይቢባካ ማዲኩ፤ ኢው ቃንጌላይ ማታቲስ፤ ወርሴላን ፀጌታና።

9 ኑ ሲቆ ኣሻቶ፣ ኑኒ ሃይሳዳ ኦዲያባ ጊዲኮካ፣ ሂንቴና ኣቶቴላኮ ካሌሊያ ሎጋባይ ሂንቴው ዳዔይሳ ኤርስ። 10 ያሳይ ሱሬ ፒርዳይሳ፣ ያሳይ፣ ሂንቴ ኦሊዳ ኦሱሞኔ ካሴ ጊዲን ሃዒካ ኣማኔይሳታ ማዲዲ፣ ኢያው ዳዒያ ሲቁም ቤሲዳይሳ ዶጌና። 11 ሂንቴ ኡባይ ኡፋይሳን ናጌይሳ ዳማና ጋካናው ሃ ሚኖቴላ ወርሴሊ ጋካናው ቤሳና ማላ ኑ ኣሞቶስ። 12 ሂንቴ ኣማኖኒኔ ዳንዳዒን ናጊያ ኡፋይሳ ላቲያ ኣሳ ዳናና ማላፔ ኣቲን ኣዛላ ጊዳና ማላ ኮዮኩ።

ያሳይ ኢሚዳ ኡፋይሳይ ሲዲሴና

13 ያሳይ ኣብራሃሚስ ኢማና ጊዲ ጫቂዳ ሞዴ ባፔ ኣዲያ ሃሪ ጌቲ ባይና ጊሾ ባ ሁዔን ጫቂስ። 14 ኢያኩ፣ «ታኒ ኔና ኣንጅና፤ ኔ ዜሬላካ ዳርሳና» ያጊስ። 15 ኣብራሃሚይ ዳንዳዒን ናጊዲ ያሳይ ኢማና ጊዲ ኡፋይሳ ኤኪስ።

16 ኣሲ ጫቂሼ ባፔ ጊታቲያ ኡራን ጫቂስ፤ ሄ ጫቆይ ጌቲቲዳባ ሚንሊዲ፣ ፓላማ ኡባ ቴቁስ። 17 ሄሳ ጊሾ፣ ያሳይ ባ ላሚቶና ቆፋ ኡፋይሳ ቃላ ላቴይሳታስ ቆንጨሳናው ኮዩዳ ጊሾ ጫቆን ሚንሊስ። 18 ያሳይ ሞርዶቴና፣ ኢያ ኡፋይሳ ቃላይኔ ጫቆይ፣ ናምዓይካ ላሚቶኩና፣ ሃ ናምዑባታን ኑ ሲንላን ዳዒያ ኡፋይሳ ኦይካናው ዳናዳዒና ማላ ጌሼ ዳማናው ኢያኮ ባቃቲዳ ኑኒ፣ ሞልቃማ ሚንሊሖ ዳማና።

19 ሃ ኡፋይሳይ ኑ ሽምፑሞስ፣ ማርካቤይ ቃያናዳ ሚንሊዲ ኦይኪያ ቢራታ ማላ። ሄ ኡፋይሳይ ማጋራጅሞፌ ጉዬ ባጋን

* 6:2 ዪንቃቲታባ፣ ሃ ቤሳን ዪንቃቲታባ ጌቲቲዳይ ዳማ ዳማ ጌሾ ሞጋታባ ኦዳናሳ። 6:8 ሚዴ 3:17-18 6:14 ሚዴ 22:16-17

ዳዲያ ጌሻ ቤሳ ጌሊሰ። 20 ዩሱሲ ማልኬፍቄ ሹማቴላዳ ሜሪናው ካሂኔ ሃላቃ ጌዲዲ፣ ኑ ጊሽ ኑፔ ሲንሳቲዲ ሄ ቤሳ ጌሊሰ።

7

ካሂኒያ ማልኬፍቄ

1 ማልኬፍቄይ፣ ሳሌሜ ካዎይ፣ ኡባፌ ቦላ ያሳ ካሂኔ። ሄ ማልኬፍቄይ ኣብራሃሜይ ካዎታ ኦሊ ያኒዲ ሲሚሺን ኢያራ ጋሄቲዲ ኢያ ኣንጂሰ። 2 ኣብራሃሜይ ባ ዲዲዳባ ኡባፌ ኢያው ኣሰራታ ኬሲዲ ኢሚሰ። ማልኬፍቄ ሱንሳይ ኮይሮ «ጂሎቴላ ካዎ»፣ ናዎዓንሉ፣ «ሳሌሜ ካዎ» ቢርሹላይ፣ «ሳሮቴላ ካዎ» ጉሱ። 3 ማልኬፍቄሰ ኣያ ዎይኮ ኣዉ ዎይኮ ዛሬ ፓይደይ ባዎ። ኢያ ዩሌቴላሰ ደሜላ ዎይኮ ኢያ ዳዑዎሰ ዉርሴላ ባዎ፣ ሺን ያሳ ናዓ ዳኒዲ ሜሪናው ካሂኔ ጌዲሰ።

4 ማልኬፍቄይ ኣይ ሜላ ጌቲኮ ቤዒቲ። ኑ ኣዎታ ማይዛይ፣ ኣብራሃሜይ፣ ባ ዳዲዳባ፣ ኢያው ኣሰራታ ኢሚሰ። 5 ካሂኔ ጌዲያ ሌዌ ዛሬይ ኢሰራዔሌ ኣሳፔ፣ ሄሰካ ኣብራሃሜ ዜሬላ ጌዲዳ ባንታ ኣሻታፔ ኣሰራታ ኤካና ሜላ ሂጌይ ከቲሰ። 6 ማልኬፍቄይ ሌዌ ዛሬ ጌደና ኢጂኮካ ኣብራሃሜፔ ኣሰራታ ኤከሰ፤ ኡፋይሳ ቃሊ ዳዲያ ኣብራሃሜ ኣንጂሰ። 7 ጉላይ ጌታን ኣንጃቴይሲ ፓላንፊና።

8 ኢሲ ባጋራ፣ ኣሰራታ ኤኬይሳቲ ሃይቄያ ኣሳታ፣ ሺን ሃራ ባጋራ ኣሰራታ ኤኬይሲ ዳዎን ዳዔሰ ያጌዲ ኦይቲዳይሳ። 9 ሂዛ፣ ኣሰራታ ኤኪያ ሌዌይ፣ ኣብራሃሜ ባጋራ ኣሰራታ ኢሚሰ ጋናው ዳንዳዔቴሰ። 10 ኣይሰ ጊኮ፣ ማልኬፍቄይ ኣብራሃሜይ ጋሄቲያ ዎይ ሌዌይ ዩሌቲቦናባ ጌዲኮካ፣ ባ ማይዛ ኣብራሃሜ ጉልባታን ዳዔሰ።

11 ኢሰራዔሌ ኣሳሰ ሂጌይ ሌዌ ካሂኔቴላ ባጋራ ኢሜቲሰ። ሃ ሌዌ ካሂኔቴላይ ፖሎ ጌዲዳባ ጌዲያኮ ኣርናይሳ ሜላ ጌደናሺን፣ ማልኬፍቄይ ሜላ ሃራ ካሂኔ ሹማናው ኣይሰ ኮሺዳ? 12 ሂዛ፣ ካሂኔቲ ላሜቲያ ዎይ ሂጌይካ ቃሲ ላሜታናው ቤሴሰ። 13 ሃ ኑ ኢያባ ኦዲያ ኡራይ ሃራ ዛሬ፤ ኢያ ሹሻፔ ኦኒካ ያርሾ ቤሳን ካሂኔቴላን ኦሊቤና። 14 ኑ ጎዳይ ዩሁዳ ሹሻፔ ዩዳይሲ ኤራቲዳይሳ። ጌደሺን፣ ሙሴይ ካሂንቴባ ኦዲሹ ዩሁዳ ዛሪያባ ኣይባካ ኦዲቤና።

6:19 ሌዌ 16:2 6:20 ማዘ 110:4 7:1 ሜዴ 14:17-20 7:5 ታይ 18:21

15 ማልኬፀዳቄ ሜላ ሃራ ካሂኔይ ዩዳባ ገዲያኮ ሃ ኑ ኦዲያባይ አዲ ቆንጫና። 16 ኢ ካሂኔ ገዲዳይ ጳዮና ዴዑዎ ዎልቃናፔ ኣቲን ኢያ ማይዛ ሂጌኒኔ ዎጋን ገዴና። 17 ገሻ ማፃፋይ፡

«ማልኬፀዳቄ ካሂኔቲላ ሜላ፡ ኔኒ ሜሪናው ካሂኔ»

ያገዲ ማርካቴስ። 18 ኮይሮ ሂጌይ ዳቡራንቸኔ ማዶናባ ገዲያ ገሾ ሻሬቲስ። 19 ሙሴ ሂጌይ ኣይቢንካ ፖሎ ኦላናው ዳንዳቢና። ሺን ኑኒ ኢያ ባጋራ ያሳኮ ሺቂያ ኡባፌ ኣዲያ ኡፋይሳ ቃላይ ኑስ ኢሚቲስ።

20 ኪሪስቶሲ ካሂኔ ገዲያ ዎዴ ያሳይ ጫቂስ፡ ሺን ሃራቲ ካሂኔ ገዲዳ ዎዴ ሄሳ ሜላ ጫቆይ ባዎ። 21 ሺን ዬሱሲ ጫቆን ካሂኔ ገዲስ። ያሳይ ያገዲ ጫቂስ፤

«ጎዳይ ጫቂስ፤ ኢ ባ ቆፋ ላሚና፤ ኔኒ ሜሪና ካሂኔ» »

ያገስ። 22 ሃ ጫቁዎ ጋሶን ዬሱሲ ኑስ ኡባፌ ኣዲያ ቃላ ጫቁዎስ ዎሴ ገዲስ።

23 ካሂኔቲላን ኦላና ሜላ ሃይቆይ ኤንታ ዲጊዳ ገሾ ኮይሮ ካሂኔታ ታይቦይ ዳሮ። 24 ሺን ዬሱሲ ሜሪናው ዴዲያ ገሾ ኢያ ካሂኔቲላ ሃሪ ላቲና። 25 ሄሳ ገሾ፡ ኢ ኡባ ዎዴ ኤንታ ገሾ ጋናታናው ሜሪናው ዴዲያ ገሾ ያሳኮ ኢያ ባጋራ ዬይሳታ ፖሎ ኣሻናው ዳንዳቤስ።

26 ሂዛ፡ ኑስ ኮሺያባ ኢሚያ፡ ጌሻይ፡ ቦሬይኔ ቱኒ ባይናይሲ፡ ናጋራንቸታፔ ሻኬቲዳይሲኔ ሳሉዎፔ ኣዲዲ ጶቂዳ ካሂኔ ሃላቃይ ኑስ ኮሺስ። 27 ኢ ሃንኮ ካሂኔ ሃላቃታ ሜላ ኮይሮ ባ ናጋራ ገሾ ካሊዲ ኣሳ ናጋራ ገሾ ጋላስ ጋላስ ያርሾ ያርሻናው ኮሺና። ኢ ባና ያርሺዳ ዎዴ ዛሬላና ኦጌን ኢሲ ቶሆ ባና ያርሺስ። 28 ሙሴ ሂጌይ ዳቡራንቸ ኣሳ ካሂኔ ሃላቃ ኦሊዲ ሹሚስ። ሺን ሂገያፌ ጉዬ ዩዳ ጫቆ ቃላይ ሜሪናው ፖሎ ገዲዳ ያሳ ናባ ሹሚስ።

8

ዬሱሲ ኑ ካሂኔ ሃላቃ

1 ኑኒ ሃሳያ ገታባይ ሄሳ። ሳሉዋን ኡባፌ ቦላ ያሳ ኣራታፔ ኡሻቻ ባጋን ኡተዳ ሃይሳ ማላ ካሂኔ ሃላቃይ ኑስ ዴዔስ። 2 ኢ ኣሳን ገደናሺን ጎዳን ኡቁዳ ቱማ ዲንካኒያን ያሳ ኬላን ኦሌስ።

3 ካሂኔ ሃላቃ ኡባይ ኢሞኔ ያርሾ ያርሻናው ሹማቴስ። ሄሳ ገሹ፣ ሃ ካሂኔይ ያርሻናው ኢሲባይ ዳናው ኮሼስ። 4 ሂጌይ ከቴይሳዳ ያርሺያ ካሂኔቲ ዴዒያ ገሾ ከሪስቶሲ ሳዓን ዴዒያባ ገዲያኮ ካሂኔ ገዴና። 5 ኤንቲ ካሂኔቴላን ኦሊያ ዲንካኔይ ሳሎን ዴዒይሳስ ለሚሶኔ ኩያ። ሙሴይ ዲንካኒያ ኤሲያ ዋዴ ያሳይ ኢያኮ፣ «ታኒ ኔና ዴሪያ ቦላ ቤሲዳ ለሚሱዋ ካላዳ ኦላ» ያገሰ። 6 ሺን ዩሱሲ ገደ ገዲዲ ሲጌሊያ ጫቆይ፣ ኮይሮ ጫቁዋፔ ኣጂይሳዳ ኢ ኤኪዳ ኦሶይ ኤንታይሳፌ ኣጂዕስ። ሄሲ ኤቁዳይ ኣጂያ ጫቆ ቃላና።

7 ኮይሮ ጫቁዋን ባሊ ባይናባ ገዲያኮ ናምዓንሉ ጫቆ ኮሹና። 8 ሺን ጎዳይ ኢያ ቦሪዲ፣ ሃይሳዳ ያገሰ።
«ታኒ ኢሰራዔል ኣሳራኔ ዪሁዳ ኣሳራ ኦራላ ጫቆ ጫቁያ ዋዴይ ያና።

9 ሄ ጫቆይ ታ ኤንታ ኣዋታ ገብፄ ቢታፌ ኩሺያ ኦይካዳ፣ ጎቻ ኬሲዳ ዋዴ ኤንታራ ጫቁዳ ጫቁዋ ማላ ገዴና።
ኤንቲ ታ ጫቁዋን ኣማኔቲቦና ገሾ
ታኒ ኤንታ ዩጋ ኣጋስ ያጌስ ጎዳይ።

10 ሺን ሂዛፔ ጉዩ ኢሰራዔል ኣሳራ ታ ጫቃና ጫቆይ ሃይሳ ያጌስ ጎዳይ።
ታኒ ታ ሂጊያ ኤንታ ጉጊያን ዋላና፤
ኤንታ ዋዛናን ፃፋና።

ታኒ ኤንታ ያሳ ገዴና፤
ኤንቲካ ታ ኣሴ ገዴና።
11 ኤንታፌ ኦኒካ ባ ሾሩዋ ዋይኮ ባ ኢሻ፣ ሳዳ ኤራ፣ ያገዲ ታማርሴና።
ኤንቲ ጉላፌ ገታ ጋካናው ኡባይ ታና ኤራና።

12 ታኒ ኤንታ ናቁዋ ኣቶ ጋና፤
ኤንታ ናጋራ ዛራ ቆፒኬ» ያጌስ።

13 ያሳይ ሃ ጫቁዋ «ኦራሊ» ገዲ ዪገሺ ኮይሮይሳ ጋልዒሲስ። ሂዛ፣ ጋልዒይኔ ጩጋይ ጳያ ዋዴይ ጋኪስ።

9

ሳሎ ጎይኖን ሳዓ ጎይኖ

1 ኮይሮ ጫቁዋስ ያሳ ጎይኒያ ዋጋይን ሳዓ ያሳ ኬላይ ዳዔስ።

2 ዲንካኔይ ኤቁስ። ኢያን ያምፔ ዋሊያ ኮጫይ፣ ዓርጴዛይን ጎዳ ሲንላን ዋሊያ ኡይላይ ዳዔስ፤ ሄ ቤሳይ ጌሻ ቤሳ ጌቴቴስ።

3 ናምዓንሉ ማጋራጃዋፊ ጉዬ ባጋራ ዳዔያ ቤሳይ ኡባፊ ጌሻ ቤሳ ጌቴቴስ።

4 ኢያ ጊደን ኢፃኔ ጨዩሲያ ዋርቃ ሳፃኔይን ዋርቃን ሜሼተዳ ጫቆ ታቦቴይ ዳዔስ። ሄ ጫቆ ታቦቴያን ማናይ ዳዔያ ዋርቃ ዓሮይ፣ ኣጪዳ ኣሮና ዓምዓይን ሙሴ ሂጌይ ዓፊተዳ ናምዑ ሎቹ ሹቻተ ዳዖሶና።

5 ሄ ታቦቴያፔ ቦላ ባጋራ ኣቶቴላ ካማ ባንታ ቁፊያን ጌንሊያ ቦንቾ ከሩቤቴ ዳዖሶና። ሺን ሃዒ ሄ ኡባ ቆንጪሲዲ ኦዳናው ዳንዳዖኮ።

6 ሃ ኡባይ ሃይሳዳ ጊጊዳፔ ጉዬ፣ ካሂኔቴ ኡባ ዋዴ ባንታ ኦሱዋ ኦላናው ዲንካኒያስ ኮይሮ ከፊሊያ ጌሎሶና።

7 ሺን ካሂኔ ሃላቃ ዓላሊ ዲንካኒያስ ናምዓንሉ ከፊሊያ ላይላፊ ኢሲ ቶሆ ጌሌስ። ኢ ያ ጌሊሼ ባ ናጋራ ጌሾኔ ኣሳይ ኤሮና ኦሊዳ ናጋራ ጌሾ ሱላ ያርሾ ኤኮና ጌሌና።

8 ኮይሮ ዲንካኔይ ኤቁዲ ዳዔሺን፣ ኡባፊ ጌሻ ቤሳ ኤፊያ ኦጌይ ቡሮ ዶዬቴቦናይሳ ጌሻ ኣያናይ ሄሳን ኤሪሴስ።

9 ሄሲ ሃ ዋዲያስ ለሚሶ፤ ያሳስ ኢሚቴያ ኢሞይን ያርሾይ ጎይኒያ ኡራ ካሃ ጌሻናው ዳንዳዖናይሳ ሃይሲ ቤሴስ።

10 ሄሳቴ ሙሳባ፣ ኡሻባኔ ዲማ ዲማ ሜቻ ዋጋታ ኦዴይሳታ። ኤንቴ ኦራላ ዋጋይ ያና ጋካናው ኦሴቴያ ካሬ ባጋ ዋጋታ።

11 ሺን ከሪሰቶሲ ሃዒ ኦ ዳሚዳ ሎዖባታስ ካሂኔ ሃላቃ ጊዲዲ ዩስ። ኢ ጌሊዳ ዲንካኔይ ጊታኔ ፖሎ ጊዲዳይሳ።

12 ሄ ዲንካኔይ ኣሳ ኩሼን ኦሴቴቤና ቃሲ ሃ ኣላሚያባ ጊዴና።

13 ከሪሰቶሲ ኡባፊ ጌሻ ቤሳ ጌሊያ ዋዴ ዳሻ ሱሊኔ ማራ ሱሊ ኤኪዲ ጌሊቤና። ሺን ሜሪና ኣቶቴላ ኢማናው ባ ሱላ ኤኪዲ ዛሬሉና ኦጌን ኢሲ ቶሆ ጌሊስ።

14 ዳሻ ሱላይን ኮርማ ሱላይ፣ ፀጌቴዳ ኡሳ ቢዶይ፣ ቱኒዳ ኣሳ ቦላ ቆርጩቴዲ ኤንታና ጌሺያባ ጊዲኮ፣

9:2 ኬሳ 26:1-30፣ 25:31-40 9:3 ኬሳ 26:31-33 9:4 ኬሳ 30:1-6፣ 25:10-16፣ 16:33፣ ታይ 17:8-10፣ ኬሳ 25:16፣ ዛሬ 10:3-5 9:5 ኬሳ 25:18-22 9:6 ታይ 18:2-6 9:7 ለዌ 16:2-34 9:13 ለዌ 16:15-16፣ ታይ 19:9፣ 17-19

ጾሳ ሳና ኢሚዳ ከሪሰቶሳ ሱላይ፣ ዴፆ ጾሳ ጎይናና ሜላ ሃይቆ ካሌሊያ ኦሱዋፕ ኑ ካሃ ዋቲ ኣሊ ጌሼኔ?

15 ሃሳ ጊሾ፣ ጭቲዳይሳቲ ጾሳይ ኢሚዳ ሜሪና ላታ ኤካና ሜላ ከሪሰቶሳ ኦራላ ጫቁዋሰ ጊዶ ጊዲዲ ሲጌሌይሳ ጊዲሰ። ሄሲ ሃኒዳይ ኣሳይ ኮይሮ ጫቁዋፕ ጋርሳን ዴዲያ ዋዴ ኦሊዳ ናጋራፕ ኤንታና ዋዛናው ኢ ሃይቁዳይሳና።

16 ሃዛ፣ ኬኬይ ዴዲኮ፣ ሄ ኬኪዳ ኡራ ሃይቆይ ኤሬታናው ኮሼሰ። 17 ኬኪዳ ኡራይ ሃይቁኮ ኢያ ኬኬይ ሚኔሰ። ኬኪዳ ኡራይ ሃይቆና ኣቲኮ ኢያ ኬኬይ ኦሌና።

18 ሃሪ ኣቶሺን፣ ኮይሮ ጫቆይካ ሱሊ ባይና ሚኒቤና።

19 ሙሴይ ሃጌ ከታ ኡባ ኣሳሰ ኦዲዳፕ ጉዬ ማራ ሱሊኔ ዴሻ ሱሊ ሃላራ ዋላኪዲ፣ ዘፆ ዶርሳ ኢኪሴኔ ሃሶጳ ቦንጮ ኤኪዲ፣ ማፃፋ ቦላኔ ኣሳ ቦላ ወርጂሰ። 20 ሙሴይ ኣሳኮ፣ «ሃንቲ ናጋና ሜላ ጾሳይ ከቲዳ ሱላ ጫቆይ ሃይሳ» ያጊሰ።

21 ሃሳዳካ፣ ዲንካኒያ ቦላኔ ኦሊያ ሚሽ ኡባ ቦላ ሱላ ወርጂሰ።

22 ቱማካ ሃጌይ ጌይሳዳ ጉላባታፕ ኣቲን ኡባባይ ሱላን ጌዬሰ። ሱሊ ጉኮናሺን ኣቶቴሊ ባዋ።

ዬሱሳ ፖሎ ያርሼቴላ

23 ሳሎዋባሰ ለሚሶ ጊዲዳይሳቲ ኡባይ ሜሃ ያርሾን ጌያናው ኮሼሰ። ሺን ሳሎባቲ ባንታ ሁዔን ሃሳፌ ኣጲያ ያርሹዋን ጌያናው ኮሼሰ።

24 ከሪሰቶሳ ቱማ ጾሳ ኬላሰ ለሚሶ ጊዲዳ፣ ኣሳ ኩሼን ኦሴቲዳ ኡባፌ ጌሻ ቤሳ ጌሊቤና። ሺን ኢ ሃዒ ኑ ጊሾ ጾሳ ሲንላን ቤንታናው ሳሎዋ ጌሊሰ። 25 ካሃኔ ሃላቃይ ላይላን ላይላን ባ ሱሊ ጊዶናይሳ ኤኪዲ፣ ኡባፌ ጌሻ ቤሳ ጌሊሰ። ሺን ከሪሰቶሳ ዳሮ ቶሆ ባና ያርሻናው ሳሎ ጌሊቤና። 26 ሃሳዳ ሃኒዳባ ጊዲያኮ፣ ከሪሰቶሳ ኣላሜይ ሜጴቶሳፕ ዶሚዲ ዳሮ ቶሆ ዋዴታናው ኮሼሰ። ሺን ሃዒ ዋዲያ ወርሴላን ናጋራ ዲጋናው ባና ያርሺዲ ዛሬላና ኦጌን ኢሲ ቶሆ ቤንቲሰ።

27 ኣሲ ኡባይ ኢሲ ቶሆ ሃይቃናው ሃሳፌ ጉዬ ፒርዳታናው ቤሴሰ። 28 ሃሳዳካ፣ ከሪሰቶሳ ዳሮ ኣሳ ናጋራ ዲጋናው ኢሲ ቶሆ ያርሹቲሰ። ሺን ኢ ናጋራ ቶካናው ጊዶናሺን ባና ናጌይሳታ ኣሻናው ናምዓንሖ ቆንጫና።

9:19 ኬሳ 24:6-8 9:21 ለዌ 8:15 9:22 ለዌ 17:11 9:28 ኣሳ 53:12

10

1 ሙሴ ሂጌይ ያናው ዳዲያ ሎዎባታስ ኩያፔ ኣቲን ባ ሁዔን ዋና ጊዳና። ሄሳ ጊሾ፣ ላይላን ላይላን ፓጩይ ባይና ያርሼቲያ ያርሾይ ጎይናናው ሸቂያ ኣሳ ፖሎ ኦላናው ዳንዳዔና። 2 ሂጌይ ኤንታ ፖሎ ኦላናው ዳንዳዔዳባ ጊዲያኮ ኤንቲ ያርሾ ያርሼይሳ ኣጋናሺን። ቃሲ ጎይናናው ሸቂያ ኣሳይ ባንታ ናጋራፔ ጌያና፤ ኤንታ ካሃይካ ኤንታና ባላ ጊዲ ሞቲና። 3 ሺን ሄ ያርሾቲ ላይላን ላይላን ናጋራ ቆፊሶሶና። 4 ኣይስ ጊኮ፣ ኮርማ ሱሊኔ ዳሻ ሱሊ ናጋራ ዲጋናው ዳንዳዔና።

5 ሄሳ ጊሾ፣ ኪሪስቶሲ ሃ ኣላሚያ ዪዳ ዎዴ ሃይሳዳ ያጊስ፡ «ኔኒ ያርሾኔ ኣሞ ኮያባካ፤ ሺን ታው ኣሾ ጊሊሳዳሳ።»

6 ኔኒ ፀጌቲያ ያርሾኔኔ ናጋራ ያርሹዋን ኡፋይታባካ።

7 ሄ ዎዴ ታ ጊሾ ማፃፋን ፃፊቲዳይሳዳ፣ ጎዳው፣ ታኒ ኔ ሺኒያ ኦላናው ያስ) ያጋስ»

ያጊስ። 8 ያርሾይ ያርሼታና ሜላ ሂጌይ ከቲያባ ጊዲኮካ፣ ኪሪስቶሲ ኮይሮ፣ «ኔኒ ያርሾኔ ኣሞ፣ ፀጌቲያ ያርሾኔ ናጋራ ያርሾ ኮያባካ፤ ኤንታን ኡፋይታባካ» ያጊስ። 9 ካሊዲካ ኢ፣ «ጎዳው፣ ሄኮ ታኒ ኔ ሺኒያ ኦላናው ያስ» ያጊስ። ሄሳ ጊሾ፣ ኪሪስቶሲ ናምዓንጹዋ ኡሳናው ኮይሮይሳ ሻሪስ። 10 ዬሱስ ኪሪስቶሲ ያሳ ሺኒያ ኦሊዲ፣ ዛሬላና ኦጌን ኢሲ ቶሆ ባ ኣሹዋ ያርሺዳ ጊሾ ኑኒ ጌዪዳ።

11 ካሂኔ ኡባይ፣ ናጋራ ዲጋናው ዳንዳዎና ሄ ያርሾታ ጋላስ ጋላስ ያርሺሼ ኤቂዲ ባ ኦሱዋ ኦሌስ። 12 ሺን ኪሪስቶሲ ኡባ ዎዴስ ጊዲያ ኢሲ ናጋራ ያርሹዋ ያርሺዲ፣ ያሳፌ ኡሻቻ ባጋን ኡቲስ። 13 ሄ ዎዲያፔ ዶሚዲ ኢያ ሞርኬቲ ኢያ ቶሆይ ዬዲያባ ኦላና ጋካናው ናጌስ። 14 ኢ ዛሬላና ኦጌን ኢሲ ቶሆ ባና ያርሺዳ ያርሹዋን ጌሻታ ሜሪናው ፖሎ ኦሊስ።

15 ቃሲ ጌሻ ኣያናይ ኑስ ሃይሳ ማርካቲስ። ኮይሮ ሃይሳዳ ያጊስ፡

16 «ሄ ጋላሳታፔ ጉዬ፣ ታኒ ኤንታራ ጫቂያ ጫቆይ ሃይሳ፡ ታኒ ታ ሂጊያ ኤንታ ቆፋን ዎላና፤ ኤንታ ዎዛናን ፃፋና»

ያጌሱ። 17 ካሊዲካ፥
«ታኒ ኤንታ ናጋራኔ
ኤንታ ኢታ ኦሱዋ ዛራ ቆፒኬ»

ያጌሱ። 18 ሂዛ፥ ናጋሪ አቶ ጌቴቲዳፔ ጉዬ ናጋራሰ ያርሼቲያ ያርሾ ኮሼና።

እኔ ያሳኮ ሺቆሰ

19 ሂዛ፥ ታ አሻቶ፥ ኮኒ ዬሱሳ ሱላ ባጋራ ኡባፌ ጌሻ ቤሳ ጌላናው ኩሰ ሚኖቴሌ ደዔሰ። 20 ኑ ጌላናይ ኪሪሰቶሲ ባ ማጋራጃዋ፥ ሄሲካ ባ አሹዋ ባጋራ ኩሰ ደዩዳ ኦራሴኔ ዴያ ጊዲዳ ኦጊያና። 21 ኩሰ ያሳ ኬላ ቦላ ሹሚቲዳ ጊታ ካሂኔ ሃላቃይ ደዔሰ። 22 ኮኒ ኢታ ካሃፔ ጌያናው ኑ ዋዛና ዉርፃቲዲ፥ ኑ አሳቴላ ፃሎ ሃላን ማጨቲዲ፥ ሱሬ ዋዛናኒኔ ፖሎ አማኖን ያሳኮ ሺቆሰ።

23 ኩሰ ኡፋይሳ ቃላ ኢሚዳ ያሳይ አማንቲዳይሳ ጊዲያ ጊሾ ኑ ማርካቲያ ኡፋይሳ ኡሻቸ ሃዲርሲ ጎና ሚንሌዲ ኦይኮሰ። 24 ኢሶይ ኢሱዋ ሲቆሲኔ ሎ? ኦሶሰ ዋቲ ዴንጫኔኮ እኔ ቆፖሰ። 25 ኢሶቲ ኢሶቲ ሜዜ ኦሊዲ ሸቄይሳ አጊዳይሳዳ ኮኒ ኢሲፌ ሸቄይሳ አጎኩ። ሺን ጎዳ ጋላሳይ ማታቲዳይሳ ሂንቴ ቤዒያ ጊሾ ሄሳ ካሴይሳፌ አሊዲ ኦሊቴ።

26 ኮኒ ቱማ ኤራቴላ ኤኪዳፔ ጉዬ ኤሪሼ ናጋራ ኦሊኮ፥ ሂዛፔ ኑ ናጋራ ጊሾ ያርሼታና ያርሾይ ባዋ። 27 ሺን ሂዛ አቲዳይ ያሺያ ፒርዳኔ ያሳ ሞርኬታ ፀጋናው ጊጊዳ ዋልቃማ ታማ። 28 ሙሴ ሂጊያ ኪቴቶና ኢፂዳ ኦኒካ ናምቡ ዋይኮ ሄቩ አሲ ኢያ ቦላ ማርካቲኮ ቃጴይ ባይናሺን ሃይቄሰ። 29 ያቲን፥ ያሳ ናዓ ካጲዳ ኡራይ፥ ባና ጌሺዳ ያሳ ጫቆ ሱላ ቱናባዳ ቆፒዳ ኡራይ፥ ቃሲ አጶ ኬሃቴላ አያና ጫዩዳ ኡራይ፥ አይ ሜላ ኢታ ፒርዳ ኤካናው ቤሲያኮ እኔ ቆፒቴ።

30 ሂዛ፥ «ሃሎ ኬሶይ ታባ፥ ታ ኩሼ ዛራና» ጊዳይሳ ኑ ኤርሰ። ቃሲካ፥ «ጎዳይ ባ አሳ ፒርዳና» ያጊሰ። 31 ዴያ ያሳ ኩሼን ኩንዴሌ ዳር ያሼሰ።

32 ሂንቴው ያሳ ፖይይ ፖዒዳፔ ጉዬ ሂንቴ ዳር ዋዩን፥ ጊታ ባፃን ጌንጨዳ ቤኒ ዋዲያ ቆፒቴ። 33 ኢሲ ኢሲ ቶሆ ሂንቴ አሳ ሲንላን ጫዩቲዴታ፤ ጎዴቲዴታ፤ ኢሲ ኢሲ ቶሆ ሄሳ ሜላ

10:16 ኤር 31:33 10:17 ኤር 31:34 10:22 ለዌ 8:30፤ ሂዛ 36:25
10:27 ኢሳ 26:11 10:28 ዛሬ 17:6፤ 19:15 10:29 ኬሳ 24:8
10:30 ዛሬ 32:35፣ 36

ዋዩይ ጋኪዳ አሳራ ኢሲፌ ዋዩይታ። 34 ቃሾን ደዲያ አሳሰካ ቃዴቲዳታ። ሂንቴው ሎጋኔ ቆዮና ሻሎይ ሳሎን ደዴይሳ ሂንቴ ኤሪዳ ጊሾ ሂንቴ ሻሎይ ቦንቁቲያ ዋዩ ኡፋይሳን ዳንዳዲዳታ።

35 ሃሳ ጊሾ፣ ጊታ ዋይቶይ ደዲያ ሂንቴ ሚኖቴላ ዩጎፊቴ።

36 ያሳ ሼኒያ ፖሊዳ፣ ኢ ሂንቴው አማና ጊዳ ኡፋይሳ ኤካና ጋካናው ጌንጫናው ኮሼሰ። 37 ሂዛ፣ ጌሻ ማፃፋን፣

«ኢ፣ ያና ጊዳይሲ ያና፤ ጋሞዔና።

38 ሺን ታ ደሎይ፣ ታናን አማኔቲዲ ዳና፤

ኦኒካ ጉዬ ሲሚኮ ታና ኡፋይሴና»

ያጌሰ። 39 ኦኒ አማኔቲዲ አቲያ አሳ ባጋፌ አቲን ጉዬ ሲሚዲ ቆያ አሳ ባጋ ጊደኮ።

11

አማኖ

1 አማኖይ ጉሳይ፣ ደማና ጊዲ ኡፋይሳን አማኔቲዲ ናጊያባኔ ኑ ቤያናባ ቤዲያዳ ኦሊዲ ኤኪያባ። 2 ቤኒ አዋቲ አማኖን ያሳፌ ማርካቴላ ኤኪደሶና።

3 አላሚይ ያሳ ቃላን ሜዴቲዳይሳ ኑ አማኖን ኤሮሰ። ቃሲ ቤንቲያባይ ቤንቶናባፔ ሜዴቲሰ።

4 አቤሊ ቃዔላይሳፌ አዲያ ያርሾ ያሳሰ ያርሺዳይ አማኖና። ያሳይ አቤላ አሙዋ ኡፋይቲዲ ኤኪዳ ዋዩ ኢ ደሎ ጊዲዳይሳ ማርካቲሰ። አቤሊ ሃሪ አቶሺን፣ ሃይቁዲካ ባ አማኑዋን ሃዲ ጋካናው ኦዴሰ።

5 ሄኖኬይ ሃይቆና ሳሎ ቢዳይ አማኖና። ያሳይ ኢያ ኤኪዳ ጊሾ ኦኒካ ኢያ ቤዓናው ዳንዳዲቤና። ሄኖኬይ ሳሎ ኤኬታናፔ ሲንሐ ኢ ያሳ ኡፋይሴዳ አሲ ጊዴይሲ ኦዴቲሰ። 6 አማኖይ ባይና ኦኒካ ያሳ ኡፋይሳናው ዳንዳዴና። ያሳኮ ያ ኦኒካ ያሳይ ደዴይሳኔ ባና ኮዬይሳታሰ ዋይቶ አሚይሳ አማኖናው ኮሼሰ።

7 ኖሄይ ቡሮ ቤንቶናባሰ ያሳይ ኢያው ኦዲዳ ዋዩ ያሳሰ ያዩዲ፣ ባናኔ ባ ሶ አሳ አሻናው አማኖን ማርካቤ ኬዲሰ። ያቲዲ ባ አማኑዋን አላሚያ ፒርዲዲ፣ አማኖን ቤንቲያ ደሎቴላ ያሳፌ ኤኪሰ።

8 አብራሃሚይ ላታ ኦሊዲ ኤካና ቢታ ባና ሜላ ያሳይ ኢያ ያጊዳ ዋዩ ሃሪ አቶሺን፣ ኢ አው ቢያኮ ኤሮና ኢዲኮካ ኪቲቲዳይ

10:37 ኢብ 2:3-4 11:3 ሜዴ 1:1፤ ማዝ 33:6፣ 9፤ ዮሃ 1:3 11:4 ሜዴ 4:3-10 11:5 ሜዴ 5:21-24 11:7 ሜዴ 6:13-22

አማኖና። 9 ኢብራሃም ያሳይ ኢያው አማና ጊዳ ቢታገ በቴ አሳዳ ደዲዳይ አማኖና። ያሳይ ሄ አማና ጊዳይሳ ኢያራ ኢሲፌ ለታናው ደዲያ ዩሳቃራኔ ያይቆባራ ዋላ ዲንካኔን ደዲሰ። 10 ኢ፣ ያሳይ ቆፒዲ ከጲዳ ፃላ ባሶይ ደዲያ ካታማ ናጌሰ።

11 ሳራ ባ ሁዔን ጨሚዳባ ጊዲኮካ ኡፋይሲ አሚዳ ያሳይ አማኔቲዳይሳ ጊዳይሳ ኤሪዳ ጊሾ ቃንላታናው ዋልቃ ደሚዳይ አማኖና። 12 ሄሳ ጊሾ፣ ሃይቂዳ ኣሲ ዳኒያ ኢሲ አዲያፌ ሳሎ ያለንቶ ማላኔ ኣባ ጋፃን ደዲያ ታይቦይ ባይና ሻፌ ማላ ዜሬላይ ዩሌቲዶሶና።

13 ሄ አሳ ኡባይ ባንታው ጌቲቲዳ ኡፋይሳ ቃላ ኤኮና አማኖን ሃይቂዶሶና። ሺን ሃሆራ ሄሳ በዲዲ፣ ደሚዳዳ ኦሊዲ፣ ኡፋይሳን ኤኪዶሶና። ቃሲ ኤንቲ ሳዓን አማፍኔ በቴ ኣሲ ጊዳይሳ ኤሪዶሶና። 14 ሄሳዳ ጊያ አሳይ ባንታ ቢታ ናጌይሳ ቆንጨን በሴሰ። 15 ኤንቲ ሄ ኣጊዲ ከጲዳ ቢታ ጉዬ ቆፒዳባ ጊዲያኮ ጉዬ ሲማናው ዳንዳዶሶና። 16 ሺን ሃዒ አፂ ሎዲያ ሳሎ ቢታ ላሞቶሶና። ሄሳ ጊሾ፣ ያሳይ ኤንታው ካታማ ጊጊሲዳ ጊሾ «ኤንታ ያሳ» ጌቲቲዲ ጃጌታናው ዩላቴና።

17 ኢብራሃም ፓጩቲዳ ዋዴ ዩሳቃ ያርሺዳይ አማኖና። ሄ ኡፋይሳ ቃላ ኤኪዳ ኢብራሃም ባ ኢሲ ናዓ ያርሻናው ጊጊሰ።

18 ያሳይ ኢብራሃምኮ፣ «ኔ ዜሬላይ ዩሳቃ ባጋራ ጃጌታና» ያጊዲ ኦዲሰ። 19 ያሳይ ሃይቆፔ ዳንላናው ዳንዳዴይሳ ኢብራሃም ደሚዳይ ጊሾ ዩሳቃ ሃይቆፔ ፓፂ ዳንዲዳዳ ኦሊዲ ዛሪ ኤኪሰ።

20 ዩሳቂ ዋዴፔ ሃናናባ ኤሪዲ ያይቆባኔ ኤሳቂ ኣንጂዳይ አማኖና።

21 ያይቆቢ ሃይቃና ሃኒሹ፣ ኢሲ ኢሲ ዮሴፋ ናይታ ኣንጂዳይኔ ጉፌ ቦላ ካቲዲ ጎይኒዳይ አማኖና።

22 ዮሴፌ ሃይቃናው ማቲዳ ዋዴ ኢሰራዔሌ አሳይ ጊብፃፌ ከያናይሳ ኦዲዳይኔ ባ ማቄሳ ኦላናባ ኤንታ ከቲዳይ አማኖና።

23 ሙሴይ ዩሌቲዳፔ ጉዬ ኢያ ኣያኔ ኢያ ኣዋይ ማላ ሎዶ ናዓ ጊዲዳይሳ በዲዲ ሄቸ ኣጌና ቆቲዳይ አማኖና፤ ኤንቲ ካወዋ ኣዋጁዋ ያዩቦኮና።

11:8 ሜዴ 12:1-5 11:9 ሜዴ 35:27 11:11 ሜዴ 18:11-14፤ 21:2
11:12 ሜዴ 15:5፤ 22:17፤ 32:12 11:13 ሜዴ 23:4፤ 1ታሪ 29:15፤
ማዝ 39:12 11:17 ሜዴ 22:1-14 11:18 ሜዴ 21:12 11:20
ሜዴ 27:27-29፤ 39-40 11:21 ሜዴ 47:3፤ 48:1-20 11:22 ሜዴ
50:24-25፤ ኬሳ 13:19 11:23 ኬሳ 1:22፤ 2:2

24 ሙሴይ ዲጩዳፔ ጉዬ ገብፄ ካወዋ ናዔ ናዓ ጌቲታናይሳ ኢዲይይ ኣማኖና። 25 ሙሴይ ናጋራን ጉላ ዋዴሰ ኡፋይታናፔ፣ ያሳ ኣሳራ ዋዬ ኤካናይሳ ዶሪሰ። 26 ኢ ዋዴፔ ዴማና ዋይቱዋ ቲሺ ኦሊዲ ያሊዳ ጊሾ ገብፄ ሻሉዋፔ ኣሊዲ ኪሪሰቶሳ ጊሾ ቦሬታናይሲ ዳር ኣዲያ ዲሬቴላ ገዲዲይሳ ኤሪሰ።

27 ሙሴይ ካወዋ ሃንቁዋ ያዮና፣ ገብፄፌ ኬዲይይ ኣማኖና። ቤንቶና ያሳ ቤዒዳ ኣሳዳ ሃኒዲ ባ ቆፋን ጌንጩሰ። 28 ሃይቆ ኤሂያ ኪታንቾይ ኢሰራዔል ኣሳ ባይራ ናይታ ዋዶና ሜላ ሙሴይ ፋሲካኔ ሱላ ወርፄላ ዋጋ ኦሊዲይ ኣማኖና።

29 ኢሰራዔል ኣሳይ ሜላ ቢታራ ሃሙቲያዳ ሃሙቲዲ፣ ዘዮ ኣባ ፒኒዳይ ኣማኖና። ሺን ገብፄ ኣሳይ ጌላናው ፓጩ ቤዒሺን ሃላይ ኤንታ ሚቲሰ።

30 ኢሰራዔል ኣሳይ ኢያርኮ ካታማ ሹቻ ዲርሳ ላፑን ጋላሰ ዩዲዲ፣ ኩንዲሲዳይ ኣማኖና። 31 ላይሚያ ራዓባ ቢታ ዋቼይሳታ ዋቢዳ ጊሾ ከቲቶና ኣሳራ ሃይቆና ኣቲዳይ ኣማኖና።

32 ሂዛ፣ ሃራ ታ ኣይ ጎ? ጌዲዮናባ፣ ባራቃባ፣ ሳምሶናባ፣ ዮፍታሄባ፣ ዳዋቲባ፣ ሳሙዔላባ፣ ቃሲ ናቤታባ ኦዳናው ታው ዋዴይ ጊዴና። 33 ኤንቲ ኣማኖን ካዋቲላታ ያኒዶሶና፣ ያላቲላን ኣይሲዶሶና፣ ያሳይ ኣማና ገዳ ኡፋይሳ ኤኪዶሶና፣ ጋሞታ ዶና ጎርዲዶሶና፣ 34 ታማ ዋልቃ ቶይሲዶሶና፣ ሞርካታ ማሻፌ ኣቲዶሶና፣ ባንታ ዳቡራን ሚኒዶሶና፣ ኦላን ዋልቃማ ገዲዶሶና፣ ኣላጋ ቶራ ጎዲዶሶና። 35 ማጫሳቲ ባንታ ሃይቁዳይሳቲ ሃይቆፔ ፓዲን ኤኪዶሶና።

ቃሲ ሃራቲ ኣዲያ ሃይቆፔ ዴንዲዋ ኤካናው ኮዩዲ ቃሹዋፔ ቢሌታናይሳ ኢዲዶሶና። 36 ሃራቲ ኣሳን ቦሬቲዲ ሊሶን ጋራፌቲዶሶና፣ ሃራቲ ሳንላላታን ቃሹቲዲ ቃሾ ከላን ዩጌቲዶሶና።

37 ኤንቲ ሱቻን ጫዴቲዶሶና፣ ማጋዘን ናምዓ ኮዩዲ ጳልቁቲዶሶና፣ ፓጩቲዶሶና፣ ማሻን ሃይቁዶሶና፣ ኤንታው ኡባባይ ቆዩን ሜቶቲዶሶና። ዶርሳ ኢቴኔ ዴሻ ኢቴ ማዒዲ ዩዩዶሶና።

11:24 ኬሳ 2:10-12 11:28 ኬሳ 12:21-30 11:29 ኬሳ 14:21-31
11:30 ኢያ 6:12-21 11:31 ኢያ 2:1-21፣ 6:22-25 11:32 ሃራ 6:11-8:32፣ 4:6-5:31፣ 13:2-16፣ 11:1-12፣ 1ሳሙ 16:1፣ 1ካዋ 2:11፣ 1ሳሙ 1:1-25 11:33 ዳኔ 6:1-27 11:34 ዳኔ 3:1-30 11:35 1ካዋ 17:17-24፣ 2ካዋ 4:25-37 11:36 1ካዋ 22:26-27፣ 2ታሪ 18:25-26፣ ኤር 20:2፣ 37:15፣ 38:6 11:37 2ታሪ 24:21

38 ኤንታው ሃ አላሜይ ገጎና ኢዲን ባዞ ቢታን፣ ዴሬ ቦላ፣ ጎንጎሎኒኔ ኦላ ገደን ዩዩደሶና።

39 ያሳይ ኤንታ አማኑዋባ ማርካቲኮካ፣ ሄ ኡባይ ጌቴቲዳ ኡፋይሳ ቃላ ኤኪቦኮና። 40 ያሳይ ኮሰ ሎዖባ ቆፒ ዋሊዳ ገሾ ኤንቲ ኮኒ ባይና ፖሎ ገደኮና።

12

ያሳይ ኮሰ አዋ

1 ሂዛ፣ ሻራዳ ኑ ዩሹዋን ዳሪዳ ሃይሳ ሜላ ማርካቲ ኑ ማታን ዴዒያ ገሾ ኑና ቋቢያ ኡባኔ ኦይኪዲ ሃሪያ ናጋራ ዲጊዲ፣ ኑ ሲንላን ዴዒያ ጋዴ ዋላ ጌንጫን ዋያሰ። 2 ኑ አማኑዋሰ ኦጌ ደዩዳይሳኔ ኑ ዉርሴላ ፖሎዋኮ ኑና ጋሊያ ዩሱሳ ቦላ ኑ ኣይፊያ ዋሰሰ። ዩሱሲ ዋዴፔ ዴዒያ ኡፋይሳ ገሾ ማሰቃሊያ ዋያ ዳንዳዒዲ፣ ዩላ ሃይቁዋ ካዲዲ፣ ያሳፌ ኡሻቻ ባጋን ኡቲሰ።

3 ሂዛ፣ ሂንቴ ዶጪዲ ኡፋይሲ ቃንዖና ሜላ ናጋራንቸታ ኢፀዋ ዳንዳዒዲ ዩሱሳ ቆፒቴ። 4 ናጋራራ ዴዒያ ባዲያን ቡሮ ሱሉ ፕሳና ጋካናው ኤቁቲቤኬታ። 5 ያሳይ ባ ቃላን፣ ባ ናይታዳ ሂንቴና ዘሪዳይሳ ደጊዳታ።

«ታ ናዓው፣ ያሳ ሴራ ሌቆፋ፤

ኢ ኔና ሴሪያ ዋዴ ኡፋይሲ ቃንዖፋ።

6 ጎዳይ ባ ዶሲያ ኡራ ሴሬሰ፤

ቃሲ ባ ናዓዳ ኤኪያ ኡባ ጋራፌሰ»

ያጌሰ። 7 ያሳይ ሂንቴና ባ ናይታዳ ሴሪያ ዋዴ ጌንጫቴ፤ አዋይ ሴሮና ናዒ ኦኔ? 8 ያሳይ ባ ናይታ ኡባ ሴሬሰ፤ ሂንቴ ሴሬቶና ኢዲኮ ቱማ ኢያ ናይታ ገደናሺን ባላኮ ናይታ። 9 ቃሲ ኑና ዩሊዳ ኑ አዋቲ ኑና ሴሮሶና፤ ኑካ ኤንታና ቦንቸሰ። ያቲን፣ ኮኒ ኑ ኣያና አዋሰ ዋኒዲ ኣሊ ሃሬቶኮ? 10 ሂዛ፣ ኑ አዋቲ ባንታው ሎዖ ዳኒዳ ሜላ ጉላ ዋዴሰ ኑና ሴሪዶሶና። ሺን ያሳይ ኑ ጎሳሰ፣ ኑ ኢያ ጌሻቴላን ሻኬታና ሜላ ሴሬሰ። 11 ኮኒ ሴሬቲያ ዋዴ ዩሎዩሲፔ ኣቲን ኡፋይሴና። ሺን ጉዬፔ ሴሬቴላ ሜዜቲዳ ኣሳሰ ሴራይ፣ ሳሮይ ኩሚዳ ዒሎቴላ ኣይፌ ኣይፊሴሰ።

ዘሬኔ ናጊሶ

12 ሂዛ፡ ሂንቴ ኣርጋጨዳ ቁሲያኔ ሂንቴ ዳቡሪዳ ጉልባታ ሚንሊቴ። 13 ዋቤይ ፓፃና ማላፔ ኣቴን ኣሉ ማቆና ማላ ሂንቴ ቶሁዋስ ሱሬ ኦጌ ገሊሲቴ።

14 ኣሳ ኡባራ ሳር ዳናውኔ ጌሻቴላን ዳናው ሚኒቴ፤ ጌሻቴሉ ባይና ኦኒካ ጎዳ ቤዓናው ዳንዳዔና። 15 ሂንቴፊ ኦዴሰካ ፆሳ ኣቶ ከሃቴላይ ፓጮናዳ፡ ቃሲ ጫሞ ኣይፊ ኣይፊዲ ዳር ኣሳ ቴኒሲያኔ ቆይሲያ ዜሬላዳ ገደና ማላ ናጌቴቴ። 16 ሂንቴ ገደን ላይማቴያ ኣሲ ዋይኮ ኢሲ ቶሆ ሚያ ካላስ ባ ባይራቴላ ቶቺዲ ባይዚዳ ኤሳዌ ማላ ኣሲ ዳና ማላ ናጌቴቴ። 17 ጉዬፔ ኤሳዌይ ሄ ኣንጂዋ ኢካናው ኮዪዳ ዋዴ ዳጌቴዳይሳ ኤሬታ። ኢ ሄ ኣንጂዋ ኣፋላን ሚኒዲ ኮይኮካ፡ ዴማናው ዳንዳዒቤና፤ ኢ ናጋራፔ ሲማናው ቃዳ ዴሚቤና።

18 ሂንቴ ኩሼን ቦሼቴያ ሲና ዴሪያኮ፡ ኤዲያ ታማኮ፡ ቆማኮ፡ ጫጋናኮ፡ ጎቴያኮ፡ 19 ሞይዚያ ዋሱዋኮ ዋይኮ ቃላይ ሲዔቴያ ቤሳኮ ዪቤኬታ። ሄ ቃላ ሲዒዳ ኣሳይ ሃራ ጉዡ ቃላ ሲያና ማላ ዋሲዳሶና። 20 ኣይሰ ገኮ፡ «ሃሪ ኣቶሺን፡ ደዒ ሄ ዴሪያ ቦቺኮ፡ ሹቻን ጫዴቴዲ ሃይቆ» ያገዳ ኪታ ኤንቴ ቶካናው ዳንዳዒቦኮና። 21 ሄ ሃኒያባይ ዳር ዳጋንሉያባ ገዲዳ ገሾ ሙሴይ፡ «ታኒ ያሻን ኮኮራስ» ያገሰ።

22 ሺን ሂንቴ ዲዮኔ ዴሪያኮ፡ ዴዎ ፆሳይ ዴዒያ ዬሩሳላሜ ካታማኮ፡ ኢሲፊ ሺቂዲ ኡፋይቴያ ዳር ሙኩሉ ኪታንቸታኮ ሳሉዋ ዪዴታ። 23 ኤንታ ሱንሳይ ሳሎን ፃፊቴዳ ዋሳ ከላ ባይራ ናይታኮ፡ ኣሳ ኡባ ፐርዲያ ፆሳኮ፡ ፖሎ ገዲዳ ዲሎ ኣሳ ኣያናታኮ ዪዴታ። 24 ኦራላ ጫቁዋስ ገደ ገዲዲ ሲጌሉያ ዬሱሳኮ፡ ኣቤላ ሱላፊ ኣዲያባ ኦዲያ ዉርፃቴዳ ሱላኮ ዪዴታ።

25 ሂንቴው ኦዲያ ኡራ ቃላ ኢፃስ ጎና ማላ ናጌቴቴ። ካሴይሳቴ ሳዓን ገዲዲ ኦዲዳ ኪታ ሲያና ኢዲዲ ኣቴቦናባ ገዲኮ ያቴን፡ ሳሎን ገዲዲ ኦዲያ ቃላ ኦኒ ኢፃስ ገኮ ዋኒዲ ኣታኔ? 26 ሄ ዋዴ ኢያ ቃላይ ሳዓ ቃሉስ። ሺን ሃዒ ታኒ፡ «ሳዓ ፃላላ ገደናሺን ኢሲ ቶሆ ዛራዳ ሳሉዋካ ቃላና» ያገሰ። 27 «ኢሲ ቶሆ ዛራዳ» ገያ ቃላይ ቃዎናባይ ሚኒዲ ዳና ማላ ቃዲያ ማዴቴዳባቴ ቆያናይሳ ቤሴስ።

12:12 ኢሳ 35:3 12:13 ለሚ 4:26 12:15 ዛሬ 29:18 12:16 ሜዴ 25:29-34 12:17 ሜዴ 27:30-40 12:18 ዛሬ 4:11-12፤ 5:22-27፤ ኬሳ 19:16-22፤ 20:18-21 12:20 ኬሳ 19:12-13 12:21 ዛሬ 9:19 12:24 ሜዴ 4:10 12:25 ኬሳ 20:22 12:26 ሃጌ 2:6

28 ኑኒ ቃዓናው ዳንዳዖና ካዎቲፋ ኤኪያ ጊሾ ያሳ ጋላቶሰ፤ ያሳ ኡፋይሲያ ኦጊን ቦንቸኒኔ ያሻቴፋን ኢያ ጎይኖሰ። 29 ሂዛ፣ ኑ ያሳይ ቱማ ፀጊያ ታማ።

13

ወርሴላ ዞሪ

1 አማኒያ አሳዳ ኢሶይ ኢሱዋራ ፖሎ ሲቁቲቴ። 2 አማሌ ሞኬይሳ ዳጎፒቴ። ኢሲ ኢሲ አሳቲ ሄሳዳ ኦሌሼ ኤሮና ኪታንቸታ ሞኪደሶና። 3 ቃሾን ዴዔይሳታ ሂንቴካ ኤንታራ ኢሲፌ ቃሾን ዴዔያዳ ኦሌዲ ኤንታና ቆፒቴ። ዋዬ ኤኪያ አሳራ ኢሲፌ ሂንቴካ ዋዬ ኤኪያዳ ኦሌዲ ኤንታና ቆፒቴ።

4 ኤኮይኔ ጌሎይ አሳ ኡባ ማታን ቦንቸቲዳባ ጊደ። ቃሲ ያሳይ ላይማቴይሳታኔ ላሚይሳታ ፒርዳናው ዴዔያ ጊሾ አዚናይኔ ማቸያ ኢሶይ ኢሱዋሰ አማኔታናው ቤሴሰ።

5 ሚሼ ሲቆፔ ሂንቴና ናጊቴ፤ ሂንቴው ዴዔያባን አሊቴ። ያሳይ፣ «ታኒ ኔና ኡባራካ ዩጊኬ ዎይኮ አጊኬ» ያጊሰ። 6 ሄሳ ጊሾ፣ ኑኒ አማኔቲዲ፣

«ጎዳይ ታና ማዴይሳ፤ ታ ያዩኬ፤ አሲ ታና አይ ኦላኔ?» ያጎሰ።

7 ያሳ ቃላ ኮይሮ ሂንቴው ኦዲዳ ሂንቴና ካሌሌይሳታ ቆፒቴ። ኤንቲ ዋኒዲ ዴዔዳኮ ኤንታ ዲሳ ቤዒዲ ኤንታ አማኑዋ ካሊቴ።

8 ዩሱሰ ኪሪሰቶሲ ዚኔካ ሃቸካ ሜሪናዉካ ላሜቴና። 9 ዲማ ዲማ ኦራላ ቲሚርቴን ሃራሶ ቢዲ ጳዮፒቴ፤ ቦፒቴ። ኑ ዎዛናይ ያሳ አጼ ኬሃቴፋን ሚናናው ቤሴሰፔ አቲን ሚን ጎዖና ካፋን ዎጋ ፖሎን ጊደፖ።

10 ሺን ዲንካኒያ ጊደን ኦሊያ ካሂኔቲ ሄ ያርሾ ካላፌ ማናው ኤንታው ማቲ ባይና ያርሾ ቤሳይ ኑሰ ዴዔሰ። 11 ካሂኔ ሃላቃይ ናጋራ ያርሾሰ ሜሄ ሱሊ ኤኪዲ ያርሻናው ኡባፌ ጌሻ ቤሳ ጌሌሰ። ሺን ሄ ሜሂያ አሹዋ ዲርሳፌ ካሬን ፀጊሰ። 12 ሄሳዳካ፣ ዩሱሰ ዴሪያ ናጋራፔ ባ ሱላን ጌሻናው ካታማ ፔንጊያፌ ካሬን ዋዬቲሰ። 13 ሂዛ፣ ኑኒ ቦሪያ ቶኪዲ ዲርሳፌ ካሬ ኢያኮ ኬዮሰ። 14 ሂዛ፣ ኑሰ ሃይሳን ሜሪናው ዴዔያ ካታሚ ባዋ፣ ሺን ኑኒ ያና ካታማ ናጎሰ።

12:29 ዛሬ 4:24 13:2 ሜዲ 18:1-8፤ 19:1-3 13:5 ዛሬ 31:6፣ 8፤ ኢያ 1:5 13:6 ማዝ 118:6 13:11 ሌዌ 16:27

15 ሂዛ፣ ዩሱሳ ሳጋራ ኡባ ዎዴ ኢያ ሱንጻሰ ማርካቲያ ሜቴርሻ ጋላታ ያርሾ ያሳሰ አሞሰ። 16 ሎዎባ ኦሶኔ ሂንቴው ዴዒያባፔ ማቶቲዳ ኣሳሰ ኢሞ ዶጎፒቴ። ሂዛ፣ ሄሳ ሜላ ያርሾይ ያሳ ኡፋይሴሰ።

17 ሂንቴና ካሌጼይሳታሰ ኪቴቴቴ፤ ኤንቴ ጊያባ ኦሊቴ። ኤንቴ ባንታ ኦሊያባሰ ያሳ ሲንጻን ኦይሼታናው ዴዒያ ጊሾ ሂንቴና ሄሞሶና። ሂንቴ ኤንታው ኪቴቴኮ፣ ባንታ ኦሱዋ ኡፋይቴዲ ኦጻና፤ ሄሲ ሃናና ኢደኮ፣ ኤንቴ ኣዛኒሼ ኦጻና፤ ሄሲ ሂንቴና ኣይቢባካ ማዴና።

18 ኑሰ ያሳ ዎሲቴ። ኑ ካሃይ ጌሺ፤ ኑ ኡባ ዎዴ ሎዎባ ኦጻናው ኮዮሰ። 19 ታኒ ሂንቴኮ ኤሌሳዳ ያና ሜላ ሂንቴ ታው ሚንሊዲ ያሳ ዎሳና ሜላ ታ ሂንቴና ሃዲራ ጋይሰ።

20 ሳሮቴጻ ያሳይ፣ ዶርሳ ሄሚያ ኑ ጎዳ ዩሱሳ፣ ባ ሜሪና ጫቆ ሱሳን ሃይቆፔ ዴንሊዳይሲ፣ 21 ኢያ ሼኒያ ኦጻና ሜላ ሎዎባ ኡባን ኢ ሂንቴና ዳንጪሶ። ኢያ ኡፋይሴሰያባ ዩሱሰ ኪሪሰቶሳ ሳጋራ ኑናን ያሳይ ኦሶ። ዩሱሰ ኪሪሰቶሳ ሳጋራ ያሳሰ ሜሪናፔ ሜሪና ጋካናው ቦንቾይ ጊዶ። ኣሚንዒ።

22 ታ ኢሻቶ፣ ታ ሃ ዳብዳቢያ ሂንቴው ቃንጻን ፃዕዳ ጊሾ ሂንቴ ታ ዞሪያ ሳሌቶና ኤካና ሜላ ታ ሂንቴና ዎሳይሰ።

23 ኑ ኢሻይ፣ ፂሞቴዮሲ ቃሾፔ ቢሌቴዳይሳ ኤሪቴ። ኢ ኤሌሲዲ ታኮ ዪኮ ታ ኢያራ ሂንቴና ባዳ ቤዓና።

24 ሂንቴና ካሌጼይሳታኔ ኣማኒያ ኡባ ሳሮ ጊቴ። ፃሌፔ ዪዳ ኣማኒያ ኣሳይ ሂንቴና ሳሮ ያጎሶና።

25 ያሳ ኣጼ ከሃቴላይ ሂንቴ ኡባራ ጊዶ። ኣሚንዒ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022
c35d6c73-3843-5482-b53e-7559d35deee5